

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO  
ZENIČKO-DOBOJSKOG KANTONA  
Broj: T04 0 KT 0055260 24  
Zenica, 05.06.2024. godine

OPĆINSKOM SUDU U ZENICI  
*-Sudiji za prethodno saslušanje-*  
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

OPTUŽNICU

Protiv:

M. K., neosuđivan,

što je:

dana 22.09.2023. godine u 08,05 sati, u Zenici, ulica Kakanjska kod broja 15., upravljajući putničkim motornim vozilom marke „Ford Focus“ registarskih oznaka ... postupao suprotno odredbama člana 43. stav 1. ZOBS-a, iako svjestan da tako vozeći može ugroziti javni promet i dovesti u opasnost živote ljudi i imovinu, ali je olako držao da zabranjena posljedica neće nastupiti ili da će je moći spriječiti, prednjim dijelom svog vozila udario u radnika „ALBA“ d.o.o. Zenica, Č. S. koji se nalazio na papuči za istovar kanti za smeće u tovarni prostor specijalnog vozila „IVECO“, pri čemu je uslijed udara pao na kolovoz i zadobio tešku tjelesnu povredu preloma gornje i donje grane desne stidne kosti i lahku tjelesnu povredu ubodne rane desne potkoljenice,

dakle, kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i time kod drugoga prouzrokovao tešku tjelesnu ozljedu,

čime je počinio krivično djelo teška krivična djela protiv sigurnosti javnog prometa iz člana 336. stav 3. u vezi člana 332. stav 3. u vezi sa stavom 1. KZ F BiH.